



(清)毛奇齡撰 龐曉敏主編

學苑出版社

# 毛奇齡全集

第二十五冊

# 目錄

## 文集

題題詞題端 一卷

一

引弁首 一卷

四三

跋弁 一卷

七五

書後緣起 一卷

一二三

碑記 十一卷 卷一——卷五

一五九

西河合集





西河合集

題詞題端目

卷全

題王文叔詩頁子

題宋榻聖教序帖

題雞山諸子五言詩卷

題雞山諸子七言詩卷

題周子鈐所藏董尚書臨聖教序帖

題吳夫人評閱明史卷首

題三孝卷

題雲石山居詩

題鳧亭曇廬鳴和篇首

題湘溪唱和詩

題止園詩方

題客詠

題淮陰郭氏有筠亭詩卷子

題羅坤所藏呂潛山水冊子

托園集題詞

題詞題端目



江園二子詩集題詞

續本事詩題詞

黃皆令越遊草題詞  
刻姜左翊文稿題詞

阿連瓊枝集題詞

陸蓋思新曲題詞

姜肩吾傲金元樂府題詞

爲吳君卿楨合諸君集滕王閣賦詠題端

爲諸君秋日登北山懷友寄答題端

爲張驃騎君朔遊贈復題端

爲商景徽閨秀題端

西河合集

蕭山毛奇齡

又字

姓稿

遠宗姬潢  
韋聞大較

題

西河出游時所題尚載一  
二若都下作則並無一存

此本空

舊與題詞合一  
卷在弁首後

題王文叔詩頁子

文叔身隱而文遨遊吳楚諸侯間吳楚諸侯爭欲傳  
其詩因刻詩人見之者以為近于襄陽云少與文叔

題

其鉛槧長各游散不相倡酬者已二十年襄陽少七律而文叔偶然以七律示世非有殊也向選文叔詩世人爭誦其排律百韻近文叔製樂辭一卷陵轢漢魏文叔不乏他體猶襄陽不必少七律也夫文叔豈僅擬安陽城樓詩哉

題宋楊聖教序帖

宋楊聖教碑海內能藏家差少大抵小斷便佳耳此本鈎畫清潁風骨朗然真神物也使君爲北平趙君所贈趙君云嘗得之劉帥幕府帥平豫章金虎符軍全活兩儒儒懷之以報蓋用此効生者儒不與俱沒

于軍帥不使終溺于幕皆有神助乙巳二月日

題雞山諸子五言詩卷

越絕書載雞山爲句踐飼雞豢士謀伐吳處徐生正  
我王生子懷偕二童君讀書其中因作詩有所感也  
正我爲故友伯調長君子懷曾從游故友來君北沙  
門下童在公明府駿止進士每稱其族人二童君工  
詩其詩之妍好無足疑者近士相見比取詩文爲將  
擊全詩卷繁卽先錄五律常紵編之用第昔人謂五  
古不可有律詩氣五律亦不當有古氣此妄語耳五  
字昉于漢魏漸趨三唐雖曰律詩實古詩之歸也能

爲五律詩他詩可知也某月日書

題雞山諸子七言詩卷

七字律詩自唐神景迄開大有如晨星中晚稍具矣  
宋稱極備逮明而勸齋贈復非是勿作豈時會使然  
乎然而昔以少見工今以多見拙又何也然則多固  
未可恃矣雞山諸子旣出其五律問世復取七字詩  
彙爲斯帙雖偶然故不得多然而其工存焉吾友沈  
子先揀弇州七字律憎其浮襍曰安用是夥夥者旣  
後閱贈戚將軍作始嘆曰能如此卽少亦何害則夫  
讀諸子詩亦安患少哉

題周子鉉所藏董尚書臨聖教帖

聖教終是唐人字畫。第下右軍清真大意。如明鹽見。滴妙有尋味。若董尚書臨聖教。則又如下鼓。見鹽轉。本轉脫然。要其不爲法縛。不爲跡窘。自具名馬軼步。好女卸頭之致。則亦能矣。往晁美叔謂黃涪翁學右軍書。僅取其韻。至如戈波點畫。殊不相似。尚書有之。予見尚書臨聖教。凡四本。唯嵩山廟市所見。與此本差似。此本幼見之。黃刺史家。今復爲子鉉所有。子鉉妙書法。得此恍右軍之洛。得梁鵠書。欲令書法不精。進不得已。某觀并題。

題吳夫人評閱明史卷首

陳何亟稱吳夫人善文且饒腹笥予與商生游十年而不知其內家有是雖善匿抑亦稱者過耶丁未春其闔左有牡丹一本向當予寄席至是雖邇闔但花時仍似一觀逮觀則臨軒覆茵圖書燦然就中明史半部丹黃初下夫人筆也其評騭前後具見秤量書法婉麗類衛櫟夫以有明人物言議概節久未論定而夫人以閨中較觀可感已夫人名芝楨其兄卿楨弟棠楨俱有文世襲司馬勲衛如遜抗之有機雲也閱一歲予內陳何假史觀因題之何知狀

題身後芳名卷子

身後芳名卷子。丁孝子東阜君死。孝錄也。萬曆辛巳臘。孝子之父病肺喘已中死。法孝子禱于除。請身代之。歲朝又禱。匿其文紙幣中。俗歲朝謁神。焚紙幣。時孝子之父分必死。顧不欲失謁禮。輿而前見紙幣中。紙掣讀。怒曰。欲我依孤孫耶。投之別火。越十五日上元。又禱如故。距禱之十日。越二十四日。而孝子病。孝子初未嘗病肺也。至是病肺喘中死。法凡五日死。當是時。孝子凡三禱。禱之文皆不可得而見也。及乎小祥。孝子之父敕諸孫收父書檢故札中。得禱文稿一。

廣尺詞旨。哀酸字如大菽。而書疾旁有點竄。則至今存焉。予傳節孝衆矣。去秋程孝廉以節母狀來稱。母割臂肉啖姑。而先禱于夫之木。請延姑三年。其後果三年而姑始死也。夫古禱無必信者。而今且一信于節母。一信于孝子。曰非信則無以別。夫世之爲禱者也。且勿使自便者得藉口。無用萬曆癸未山陰朱太常旣爲之傳。而一時名公鉅卿爭爲文以誄以弔。以頌以述。凡若干篇。邑禮部郎孫公爲之題身後芳名四字。合一卷。越百年而歷世相嬗幾燹矣。裔孫日宣。重爲裝潢。今紙尾有焦則燹之爲也。夫止

一稿也。而初不盡焚于紙幣。今復不掬于火天之信。  
孝子何如耶。康熙乙卯遇日宣會城語其事。又一年。  
而以卷屬題。牲盥手卒讀并題如前。

### 題三孝卷

孝無成名而有成性。士君子旣鮮克厲而一二閭巷。  
椎樸之夫。知本不慮任其性而爲之。雖未盡合。然亦。  
未可非者。予久聞金閭有沙孝子。其先子升曾于先。  
朝天啟間。擊魏璫所遣緹騎。被逮幾死。以未減僅存。  
其軀者若干年。姚孝廉爲沙仲昌傳。謂仲昌善娛親。  
有似養志。蓋沙氏聲名數起矣。今沙氏三孝子復能。

剔臂和糜築廬守隧以各見其志豈亦感子升大義  
仲昌孝養而接踵而興者與當先朝輯會典時世無  
敢以畸剝之行仰干功令故廬墓剗股皆目爲非法  
抑勿使上然而居廬倚墳刺肝鉹骨者所在都有夫  
上不以是旌而下之爲之者衆上必以是置法而下  
之爲之者必不以是而少有所却則是不求旌不畏  
法而爲之也夫不求旌不畏法而爲之者性也孝子  
見性矣予寓金閭客有携三孝卷屬題因題此世之  
徇孝名者可監耳

吳應辰日末一段逆性字  
雋快絕勝昌黎鄠人對